

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj : 06/20

Sarajevo, 26.06. 2020. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 06/20 od 08.06.2020. godine, u postupku javne nabavke br.06/20 "Dovođenje saobraćajnica u prvobitno stanje za Opštinu Centar", donosi se :

O D L U K A
o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 06/20 od 08.06.2020. godine i ugovor za javnu nabavku usluga:"Dovođenje saobraćajnica u prvobitno stanje za Opštinu Centar" – tender broj 06/20 dodjeljuje se ponuđaču:"Autobasna" d.o.o.Sarajevo, ponuda broj.182/20 od 19.05.2020. godine, za ponuđenu cijenu od 162.500,00 KM bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču "Autobasna" d.o.o. Sarajevo po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 06/20 od 23.04.2020. godine.

Javna nabavka je provedena putem otvorenog postupka.

Procijenjena vrijednost javne nabavke za iznosi : 150.000,00 KM.

Obavještenje o nabavci broj : 247-1-2-20-3-144/20 poslato je na objavljivanje na Portal javnih nabavki dana 27.04.2020. godine., a sažetak obavještenja o nabavci je objavljen u Sl.glasnik BiH broj 24. od 30.04.2020.godine.

Komisija za javnu nabavku imenovana je Rješenjem br.01/20 od 07.01.2020.god., i dodatni članovi komisije imenovani dopunskim Rješenjem br.06/20-1 od 23.04.2020.god.

Komisija za javnu nabavku dostavila je dana 22.06.2020.g. Preporuku o izboru najpovoljnijeg ponuđača broj 06/20 od 08.06.2020. godine u postupku javne nabavke usluga:"Dovođenje saobraćajnica u prvobitno stanje za Opštinu Centar " – tender broj 06/20

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 2 (dvije) ponude i to: "Autobasna" d.o.o. Sarajevo i "Oxa" d.o.o. Sarajevo

- Da je blagovremeno zaprimljeno: 2 (dvije) ponude i to: "Autobasna" d.o.o. Sarajevo i "Oxa" d.o.o. Sarajevo
- Da nije bilo neblagovremeno zaprimljenih ponuda

Navedeni ponuđači su pružili tendersku dokumentaciju sa Portala JN i samim tim ostavili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Nakon izvršenog otvaranja ponuda Komisija je dana: 19.05.2020.godine pristupila pregledu i ocjeni pristigle ponude u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da je dostavljene ponude ponuđača:"Autobasna"d.o.o. Sarajevo i "Oxa"d.o.o. Sarajevo ispunjavaju zahtjevene tenderske uslove prema obliku i potpunosti u smislu pripreme ponude.

Pregledom ponude ponuđača „Autobasna“ d.o.o. Sarajevo i „Oxa“ d.o.o. Sarajevo konstatovano je da su oba ponuđača u svojim ponudama numerisali ponudu osim stranica aktuelnog izvoda (isti je dvostrano isprintan) kod kojih su numerisani listovi Aktuelnog izvoda ali ne i stranice čime je obezbjeđen kontinuitet numerisanja. Komisija smatra da se radi o manjem odstupanju koje ne mijena niti se bitno udaljava od karakterisitika, uslova i drugih zahtjeva utvrđenih u obavještenju o nabavci i tenderskoj dokumentaciji, a što je definisano tačkom 17.1.3 "numerisanje ponude" tenderske dokumentacije.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač	
		„Oxa“ d.o.o. Sarajevo	„Autobasna“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA	DA
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA
3.	Tačka 14.2. TD: Spisak izvršenih ugovora u skladu sa članom 48. Stav 2. ZJN, koji su u vezi sa predmetom nabavke, za period ne duži od tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godina, koji sačinjava sam ponuđač, na svom poslovnom papiru/memorandumu; Potvrde o uredno izvršenim ugovorima koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura.	DA	DA
3.1.	Tačka 14.2. TD:	DA	

R. br.	Zahtjevana kvalifikaciona dokumentacija	Ponudač	
		„Oxa“ d.o.o. Sarajevo	„Autobasna“ d.o.o. Sarajevo
	Izjava o ispunjenosti uslova iz člana 50. Zakona o javnim nabavkama – Aneks VI; Prilog 5		DA
4.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponudač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA

Kao dokaz za ispunjavanje kvalifikacionih uslova u okviru tačke 14.2 tenderske dokumentacije zahtjevano je slijedeće: Spisak izvršenih ugovora u skladu sa članom 48. Stav 2. ZJN, koji su u vezi sa predmetom nabavke, za period ne duži od tri godine ili od datuma registracije, odnosno početka poslovanja, ako je ponudač registriran, odnosno počeo sa radom prije manje od tri godina, koji sačinjava sam ponudač, na svom poslovnom papiru/memorandumu;

Potvrde o **uredno izvršenim ugovorima** koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura.

Ponudač „Autobasna“ d.o.o. Sarajevo je ponudi kao dokaz iz tačke 14.2 pod a) dostavio slijedeće:

- spisak uspješno izvršenih ugovora od 19. 5. 2020 godine
- potvrdu o uspješnoj saradnji i izvršenju ugovora izdatu od strane KJKP „VIK“ d.o.o. Sarajevo dana 26.11.2019 godine u iznosu od 149.990 KM bez PDV-a
- potvrdu o uspješnoj saradnji i izvršenju ugovora izdatu od strane KJKP „VIK“ d.o.o. Sarajevo dana 26.11.2019 godine u iznosu od 84.470,00 KM bez PDV-a
- potvrdu o uspješnoj saradnji i izvršenju ugovora izdatu od strane KJKP „VIK“ d.o.o. Sarajevo dana 05.12.2018 godine u iznosu od 78.481,56 KM bez PDV-a

Ponudač „Oxa“ d.o.o. Sarajevo je ponudi kao dokaz iz tačke 14.2 pod a) dostavio slijedeće:

- spisak uspješno izvršenih ugovora od 19. 5. 2020 godine
- uvjerenje o kvalitetu izvršenog posla izdato od strane Općine Ilidža dana 03. 12. 2018 godine u iznosu od 412.686,65 KM bez PDV-a
- potvrdu o uspješnoj saradnji i izvršenju ugovora izdatu od strane KJKP „VIK“ d.o.o. Sarajevo dana 26.11.2019 godine u iznosu od 167.363,83 KM bez PDV-a

Komisija konstatuje da ponuđači „Autobasna“ d.o.o. Sarajevo i „Oxa“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtjevana dokumentacija/aneksi-prilozi	Ponudač	
		„Oxa“ d.o.o. Sarajevo	„Autobasna“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA	DA

R. br.	Ostala zahtjevana dokumentacija/aneksi-prilozi	Ponudač	
		„Oxa“ d.o.o. Sarajevo	„Autobasna“ d.o.o. Sarajevo
2.	Tačka: 16.TD pod 1: Obrazac za ponudu – Aneks II; Prilog 1.	DA	DA
2.1	Tačka: 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA
3.	Tačka: 20 TD: Obrazac za cijenu ponude – Aneks III; Prilog 2	DA	DA
4.	Tačka 31 i 36 TD: Nacrt okvirnog sporazuma – Prilog 8.	DA	DA
5.	Tačka: 31 i 37 TD: Nacrt ugovora o javnoj nabavci – Prilog 9.	DA	DA
6.	Tačka: 43 TD: Povjerljive informacije – Prilog 7.	DA	DA

Komisija konstatuje da su ponuđači „Autobasna“ d.o.o. Sarajevo i „Oxa“ d.o.o. Sarajevo dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Takođe je konstatovano da su ponude ponuđača, „Autobasna“ d.o.o. Sarajevo i „Oxa“ d.o.o. Sarajevo potpisane od strane podnosioca ponude i ovjerene pečatom ponuđača, te imaju broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača, „Autobasna“ d.o.o. Sarajevo i „Oxa“ d.o.o. Sarajevo konstatovano je da nema grešaka računске prirode.

Konstatovano je da su ponuđači, „Autobasna“ d.o.o. Sarajevo i „Oxa“ d.o.o. Sarajevo dostavili Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude slijedećih ponuđača:

R. Br.	Ponudač	Početna cijena ponude u KM bez PDV-a
1.	„Oxa“ d.o.o. Sarajevo	162.680,00*
2.	„Autobasna“ d.o.o. Sarajevo	165.980,00*

*označava cijenu na koju se primjenjuje preferencijalni tretman.

E-aukcija je u sistemu e-nabavke zakazana na dan 29.05.2020 godine u 11:00:00 sati.

Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 11:00:00 sati do 11:15:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

R. Br.	Ponuđač	Konačna cijena ponude u KM bez PDV-a
1.	„Autobasna“ d.o.o. Sarajevo	162.500,00*
2.	„Oxa“ d.o.o. Sarajevo	162.680,00*

*označava cijenu na koju se primjenjuje preferencijalni tretman.

Za najpovoljniju ponudu ocjenjena je ponuda ponuđača „Autobasna“ d.o.o. Sarajevo. Komisija je konstatovala da cijena najpovoljnije ponude ponuđača „Autobasna“ d.o.o. Sarajevo iznosi 162.500,00 bez PDV-a, dok procijenjena vrijednost za predmetnu nabavku iznosi 150.000,00 KM bez PDV-a. Utvrđeno je da vrijednost ponude ponuđača „Autobasna“ d.o.o. Sarajevo premašuje procijenjenu vrijednost za iznos od 12.500,00 KM.

Obzirom da je cijena prihvatljive ponude veća od procijenjene vrijednosti za predmetnu nabavku, Komisija je dana 29. 05. 2020 godine obavijestila Upravu preduzeća i zatražila da se ista očituje o mogućnosti obezbjeđenja dodatnih sredstava za predmetnu nabavku kako bi se nastavilo sa postupkom predmetne nabavke.

Odlukom Uprave preduzeća broj 22-03/20 od 03. 06. 2020 godine dobivena je saglasnost za nastavak postupka odabira najpovoljnijeg ponuđača, te je nastavljeno sa postupkom odabira najpovoljnijeg ponuđača.

Vrijednost ponude ponuđača „Autobasna“ d.o.o. Sarajevo iznosi **162.500,00 KM bez PDV-a.**

Komisija jednoglasno daje prijedlog Ugovornom organu da za nabavku usluga: „Dovođenje saobraćajnica u prvobitno stanje za Općinu Centar“ – tender broj 06/20 donese Odluku o dodjeli ugovora ponuđaču: „Autobasna“ d.o.o. Sarajevo, broj ponude: 182/20 od 19. 05. 2020 godine, kao prvoplasiranom na rang listi, čija vrijednost ponude iznosi: **162.500,00 KM bez PDV-a.**

Iz gore navedenih razloga, primjenom člana 64. stav 1. tačka b. ZJN , donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponuđaču
- a/a



Direktor

Enver Hadžiahmetović, dipl.ing.maš.